


Gabinete Mike Eman a firma acuerdo di construccin pa Facilidad Multifuncional Noord



ORANJESTAD (AAN): Diaranson mainta Prome Minister Mike Eman, Minister di Infraestructura Benny Sevinger y Minister di Finanzas Juan David Yrausquin a firma hunto cu representantenan di Stichting Onroeroend Goed Aruba (SOGA), Aruba Investment Bank (AIB) y contratista BOHAMA Aruba N.V. e acuerdo di construccin pa Facilidad Multifuncional na Noord, e prome di cinco cu ta bin riba nos isla den e proximo dos aña. Di su banda, e ekipo cu ta bay dirigi e maneho di Facilidad Multifuncional (MFA) na Noord ya caba tin tempo trahando riba e establecimiento di contacto cu e comunidad pa conoce nan necesidad y wak con por duna un man y asina saca e maximo probecho

di e edificio inmediatamente cu e habri su porta proximo aña. Gerente di MFA Noord, Richard Tromp tambe tabata presente pa e firmamento. "Nos ta haciendo un inventarisacion di tur organisacionnan social, educativo, religioso, boluntario cu kier haci uso, un aña prome caba pa cuminsa parti tempo y espacio pa e edificio ta funcional mane cu e habri," asina Minister President a bisa. El a gradici e esfuerzo haci di parti di SOGA, MFA, arkitekto y contratista.

Ubica riba e tereno entre Warda di Polis y Centro di Barrio Noord, e edificio di 1.010 meter cuadra ta bay asumi y amplia e funcion di un Hulpbestuurskantoor. Manera Premier Eman a bisa, 80% di su espacio ta dedica na brinda publico servicionan di pago di cuentanan di utilidad,



documentonan di Censo y Impuesto, pero tambe lo tin espacio caminda instancianan manera AZV, Dimas y FCCA tambe por yuda nan clientenan.

Minister Yrausquin a splica e parti di financiamiento caminda SOGA ta haciendo un inversion di 22.8 milyon Florin den e cinco Facilidadnan Multifuncional. Gobierno ta bay di acuerdo pa despues cu tur edificio keda cla, ta paga 3 milyon Florin pa aña pa un total



di 25 aña. Durante e periodo di construccin mas bien Gobierno ta haya entrada den su caha pa medio di diferente belasting cu constratista mester paga relaciona cu e proyecto, ademas di mantene cuponan di trabou cu ta pone economia draai.

Adicionalmente ta papiando cu e diferente entidadnan cu lo kier ocupa e edificio pa yega na un acuerdo riba sea un suma di huur of un porcentahe riba cada transaccion cu wordo realisa. Manifestando su satisfaccion pa e hecho cu ta e bario di Noord ta esun caminda e prome Facilidad Multifuncional ta wordo construi, Minister Yrausquin a respalda e vision di Gabinete Mike Eman cu e proyecto aki lo brinda beneficiannan amplio na e comunidad.

Omar Harms, un di e desaroyadornan di e proyecto di Facilidadnan Multifuncional a splica a resumi e vision total di e concepto bisando cu "E MFAnan ta ofrece un luga

bunita, sigur y en comun pa topa, recrea y haci uso di su servicionan. Su paden y pafu ta conecta cu otro sedenan publico den e bicindario paso esey ta hunga un papel importante den e realisacion di su meta. Dor di su luganan habri, e característica y identidad historico di e bario ta keda refleha y no solamente e ta bira un edificio nobo, pero ta duna e comunidad un imagen renoba y rico di su mesun hendenan."

President di SOGA, John Hodgson, arkitekto Orlando Hoevertsz y director di BOHAMA Aruba N.V. Sander Leijenaar tambe a hiba palabra na prensa expresando nan contento di por a yega na e punto aki y confirmando nan compromiso cu tur cos lo sigui cana bon. Preparacion di e tereno di construccin ta cuminsa un dia despues, esta awe diahuebs y lo tin un duracion di aproximadamente un aña.